



UNIVERSITÄTS-
BIBLIOTHEK
PADERBORN

S. Odilo Abbas. Cura defunctorum

[Köln], [1654]

S. Claudius Episcopus. Desiderium humiliandi se.

[urn:nbn:de:hbz:466:1-71907](https://nbn-resolving.org/urn:nbn:de:hbz:466:1-71907)



S. CLAUDIUS EPISCOPUS.

Desiderium humiliandi se.

Deus, qui S. CLAUDIUM, abdicato Episcopatu mirabilem in vita, post mortem miraculis fecisti clariorem; da famulis tuis novissimum humiliter locum eligere, & primum declinare.

Ora pro nimis se extollentibus.

Or

CLAVDIVS, circa Salinas in Burgundia natus, ætatis anno 20 fuit Vesontionensi Clero adscriptus. Hoc in gradu sic se probavit, ut, cum Episcopo mortuo electorum discordarent suffragia, vox de celo allapsa iusserit CLAVDIVM, qui id metuens fugam arripuerat, Episcopum fieri. Retractus ergo ordinatusque, Epaonenſi Concilio anni 517 interfuit, præfuitque Ecclesiæ annis 7. Postea honori renuntians, in Condatiscense S. Eugendi monasterium se abdidit, factus Monachus. Verum vix annis tribus sic vixerat, cum votis omnium electus est Abbas, magno cum loci illius comodo, cui vivus prudentia sua multipliciter profuit, sed mortuus anno 581 multo etiam magis miraculis: unde factum ut S. CLAVDII deinceps vocatus locus sit. Incorruptum semper corpus, anno 1243 solenniter translatum fuit: exindeque scripta invenitur longa miraculorum series, quorum præcipua relata legentur in Actis Sanctorum Bollandianis, opera Petri Francisci Chiffletii, ex ipsius loci monumentis collecta.

Cum vocatus fueris ad nuptias; vade, et sume in novissimo loco. Luc. 14.